

**AM DIALOG**

**WAT BEDEIT  
KI FIR LËTZEBUERG?**



AN DER CHAMBER

**AI**

A PRÄSENZ  
VUM  
PREMIERMINISTER  
**LUC  
FRIEDEN**

**DËNSCHDEG, DE 5. MEE 18:30 AUER  
AM MAMA SHELTER UM KIERCHBIERG**



D'CSV ass 2023 ugetrueden, fir d'Land ze moderniséieren a besser fir d'Zukunft opzestellen. D'Regierung huet an dësem Sënn scho villes aus hirem Programm ëmgesat. An d'Deputéiert vun der CSV hunn dëse Prozess duerch hir legislativ Aarbecht an der Chamber konstruktiv a kritesch begleitet. Zesumme gëtt eng Politik aus engem Goss gemaach – am Interessi vun Iech a vum Land.

Eng ganz Rei Versprieche aus dem Walkampf goufen ëmgesat:

- D'Kafkraaft gouf gestärkt duerch Upassung vum der Steiertabell
- Geziilt Steiermesuren, gehéichte sozial Hëllef a vereinfacht Prozeduren ënnerstëtze staark déi am meeschte vum Aarmutsrisiko bedroete Stéit
- Fir d'Wirtschaft ze stäipen, gouf an Infrastrukturprojeten investéiert an d'Betriebssteuer erfesat
- Mat 51 Moosname ginn d'erneierbar Energië méi séier ausgebaut
- D'Sécherheet gouf gestärkt duerch méi Polizisten a lokal Police-Unitéiten
- Vereinfacht Prozeduren, fir méi a méi séier ze bauen, an den Opkaftprogramm vum Neibau-Wunnenge goufen op de Wee bruecht.

D'CSV huet den Usproch, politesch Entscheedunge mat Courage a Verantwortung ze huelen, ëmmer mam kloren Zil, dat Bescht fir Lëtzebuerg a seng Mënschen z'erreechen. Grad a schwéieren Zäite brauch eist Land Courage fir nei Weeër ze goen an eng Politik, déi Stabilitéit, Zesammenhalt an eng sécher Zukunft fir jidderee garantéiert.

Mir komme bei Iech a géingen eis freeën, Iech op eisem Themen-Owend kënnen ze begréissen.

**LAURENT ZEIMET**

**FRAKTIONSPRÉSIDENT**

**LUC FRIEDEN**

**PREMIERMINISTER**

# ELISABETH MARGUE

36, STAD LËTZEBUERG

MINISTESCH



Fir Lëtzebuerg besser fir d'Zukunft opzestellen, schaffe mir zënter 2023 an de Ressorte Justiz, Medien a Connectivitéit konsequent dorunner:

- **Datt eis Justiz méi séier an effikass schaffe kann.** Dofir hu mir de Gerichter däitlech méi Personal ginn. Tëschent 2024 an 2026 schafe mir iwwer 100 nei Riichterposten - e Plus vun iwwer 30%.  
Och suerge mir fir méi Tempo bei der Digitaliséierung an iwwerschaffen d'Prozeduren. Sou féiere mir am Strofrecht eng comparation accélérée an, fir e Gerichtsprozess an engem kuerzen Delai ze erméiglechen.
- **Fir Iech besser géint Verbriechen ze schützen.** Dofir hu mir dem Parquet an der Police méi prozedural Mëttel am Kampf géint d'organiséiert Kriminalitéit a schwéier Verbrieche ginn. A mir suergen dofir, datt sexuell Gewalt an aner Forme vu Gewalt konsequent bestrooft kënnen ginn, och dann, wa se online geschéien.  
Grad eis Kanner brauchen um Internet e bessere Schutz. Dofir schaffe mir u méi strenge Reegele fir d'Social-Media-Plattformen an un zouverlässegen Alterskontrollen.
- **Eis Demokratie ze stäerken.** Dofir setze mir eng grouss Mediereform em a schützen d'Journaliste virun de Versich, si iwwer abusiv Kloen anzeschüchteren.

Justizministesch

Delegéiert Ministesch beim Premierminister fir Medien a Connectivitéit

Delegéiert Ministesch beim Premierminister fir d'Relatiounen mam Parlament

- **Déi technologesch Innovatioun ze fërdere fir eis Gesellschaft a Wirtschaft virunzebréngen.** 2025 hu mir eis eng kloer Strategie ginn, wéi mir dat grousst Potenzial vun der KI zu Lëtzebuerg notze kënnen a sécherstellen, dass de Mënsch dobäi am Mëttelpunkt steet.



LINKS OP D'REGIERUNGSSITTEN  
VUM ELISABETH MARGUE





**SERGE WILMES**

**43, STAD LËTZEBUERG, HISTORIKER  
MINISTER**


Minister fir Ëmwelt, Klima a Biodiversitéit

Minister fir d'Fonction publique

Fir de Serge Wilmes ass d'Natur eis Liewensgrondlag an essenziell fir d'Gesondheet, d'Sécherheet an d'Liewensqualitéit vun eis all.

Déi wichtegst Projete vum Ëmweltministère:

- d'administrativ Vereinfachunge mam „Silence vaut accord“, d'„Natur auf Zeit“ an d'Standardiséierung vun Autorisatiouns-Prozeduren an de Beräicher Naturschutz, Waasser a Kommodo
- de Prefinanzement vun Elektrogefierer, Wärmepumpelen a PV-Anlage fir Privatleit



**LINKS OP D'REGIERUNGSSITTEN  
VUM SERGE WILMES**

- de Klimasozialplang mam Leasing social fir vulnerabel Stéit
- de Bësch- a Juegddësch wou et fir d'éischte Kéier zu engem Accord de gestion komm ass, fir zesummen d'Bëscher ze schützen
- d'Waasserresilienz-Strategie fir d'Drénkwaasser konsequent ze schützen an de Renaturéierungs-Dësch fir mei gesond Gewässer a méi Héichwaasserschutz
- Klima-Adaptatiounsstrategie, ausgeschafft mat Verrieder aus der ganzer Gesellschaft
- mat der Klima Nexus Strategie gëtt Lëtzebuerg en internationale Mobilisateur am Klimafinanz-Beräich
- Ännerung vum Naturschutzgesetz: méi Bauten a méi breet Notzung vu Gebaier an der Gréngzon fir Baueren, Wënzer a Geméisproduzenten

Déi wichtegst Projete vum Ministère vum ëffentlechen Déngscht:

- Sozialdialog: Neien Accord salarial am Januar 2025 an ab dem 1. Mee 2026 neie Kollektivvertrag fir 2.500 Staatsaarbechter
- Harmoniséierung vun den ënneschte Carrièren C1 an C2
- Verbesserungen a Vereinfachunge beim Recrutement an interne Wiessel beim Staat
- Vereinfachung an Harmoniséiere vun de Sécherheetsnormen tëscht dem privaten an ëffentleche Secteur
- Promotioun vun Diversitéit, Equitéit an Inklusioun



# DIANE ADEHM

55, HESPER, EKONOMISTIN,  
BUERGERMEESCHTESCH,

DEPUTÉIERT



## CHAMBERARBECHT:

- D'Diane war 2023 Budgetrapportrice. Als Presidentin vun der Finanzkommissioun schwätzt si all Joers zum Budget, Volet Wirtschaft an ass prioritär Spriecherin fir d'Gesetzesprojeten am Finanzberäich an a Steierfroen:
  - Mam Entlaaschtungspak gouf d'Steiertabell ugepasst a verschidde Steierklasse weider entlaascht
  - An der Fintech goufen d'Krypto-Aktiva geregelt
  - De sogenannte bëllegen Akt bleift definitiv bei 40.000 Euro
  - Mam Supercomputer fir kënschtlech Intelligenz, MeluXina-AI an der AI-Factory goufe weider wichteg Bausteng fir d'Entwécklung vun der KI geluecht
- Aner wichteg Gesetzter, déi d'Diane rapportéiert huet:
  - De Logementspak fir d'Relance vum Wunnengsmaart
  - Den neien digitale Rekrutementssystem am öffentlechen Déngscht
  - Virginitéitszertifikater an -examen sinn an Zukunft strofbar, de Reflexiouns-Delai vun 3 Deeg bei enger Ofdreiwung gött ofgeschaaft
  - Männer a Frae mussen zu op mannst 33 Prozent op den decisive Posten an de Lëtzebuerger Firmen, déi op der Bourse kotéiert sinn, vertrauede sinn
- Si huet och d'CSV-Positioune vertraueden an den Debatten
  - zur finanzieller Bildung, zu Online-Fraudë bei de Banken oder zur Zukunft vun der Finanzplaz

D'Diane wäert 2027 Spriecherin vum Gesetz zur eenheetlecher Steierklass mat Entlaaschtunge fir all Famill ginn.



LINK OP DE CHAMBER SITE  
VUM DIANE ADEHM

## KOMMISSIOUNEN:

Presidentin vun der  
Finanzkommissioun

Member Kommissioun fir  
Wirtschaft, PME, Energie,  
Weltraum an Tourismus

Member Kommissioun fir Santé  
a Sozialversécherung

Member Defensekommissioun

Member Kommissioun fir  
d'Fonction publique

Member Kommissioun fir  
d'Exekutioun vum Budget



”  
**Mir müssen alles dru  
setzen, dass d'Lëtze-  
buerger Finanzplaz  
digital, innovativ an  
nohalteg bleift.**

“



## MAURICE BAUER

54, STAD LËTZEBUERG, JURIST,  
1. SCHÄFFEN,  
DEPUTÉIERTEN

### KOMMISSIONEN:

President vun der Kommissioun  
fir den ëffentlechen Déngscht  
Member Aarbechtskommissioun  
Member Petitiounskommissioun  
Member Kommissioun fir  
Ëmwelt, Klima a Biodiversitéit  
Member Finanzkommissioun  
Member Kulturkommissioun

### CHAMBERAARBECHT:

- Als Rapportier fir de Budget 2026 huet de Maurice de Schwéierpunkt op d'Aarmutsbekämpfung duerch eng cibléiert Sozialpolitik gesat, virun allem de Kampf géint Kannerarmut. Well: Eng Politik géint d'Kannerarmut ass keng Almosepolitik - si ass eng Investitioun an d'Zukunft. D'Zil ass eng geziilt Aarmutsbekämpfung iwwer all Ministèren ewech. An deem Sënn gouf sech mat iwwer 60 Interessevertrieder getraff, de Budget analyséiert an et goufen dann och 16 Recommendationen formuléiert. 15 Milliarden Euro, dat si ronn 46 Prozent vun den Ausgabe vum Staat, fléissen dës Joer a sozial Transferten
- De Maurice war Spriecher fir d'CSV bei der Ëmsetzung vum Gehälteraccord am ëffentlechen Déngscht:
  - Eng Erhéijung vum Punktwäert vun 2 Prozent fir 2025 an en hallwe Prozent fir 2026
  - Eng Harmoniséierung vun den ënneschte Karriären
  - D'Zënssubventiounen bei Immobielkreditter, déi erop gesat goufen
- A Chamberdebatten zum Sujet Digitaliséierung huet de Maurice betount, dass d'Digitaliséierung a kënschtlech Intelligenz Prioritéite mussen si fir e moderne Staat. Et misst een all Bierger op dës Wee mathuelen

De Maurice freet sech op d'Ëmsetzung vum Aarmutplang mat all senger Projeten.

”

**Ouni Wirtschaftswuesstem gëtt et kee staarke Sozialstaat, keng ekologesch Transitioun a keng sozial Kohäsioun.**

“

LINK OP DE CHAMBER SITE  
VUM MAURICE BAUER



# ALEX DONNERSBACH

34, WALFER, AFFEKOT,  
SCHÄFFEN,  
DEPUTÉIERTEN



## CHAMBERARBECHT:

- Den Alex war als Spriecher an der Verdedegungs- politik fir verschidde Gesetzer zoustänneg:
  - 816 Milliounen Euro ginn an den zweete Kom- munikatiounssatellit GovSat-2 investéiert
  - D'Aarbechtskonditiounen, de Recrutement, d'Remuneratioun vun de fräiwëllegen Zaldoten an awer och d'Indemnisierung fir Auslandsmis- sione goufe verbessert
  - Hien huet sech fir eng staark Industriestrategie an der Verdedegung ausgeschwat
- Als Spriecher am Logement huet hien zu verschiddene wichtegen Dossiere Stellung geholl:
  - Fir Éischtkeefer gouf de Bëllegen Akt vun 30.000 op 40.000 Euro erhéicht an d'Ofsetzbarkeet vun de Scholdzënsen ugepasst
  - Fir Locatairë gouf eng Wunnengsprimm fir jonk Berufssufänger agefouert. D'Krittäre fir un eng effentlech finanziert Wunneng ze kommen, goufen iwwerschaft a Bailleur a Locataire dee- len sech elo d'Frais d'agence
  - Et gouf e VEFA-Programm vu 480 Milliounen Euro bis 2027 lancéiert mam Zil, ronn 800 Wun- nengen opzekafen
- Aner wichteg Projeten an der Chamber waren a sinn:
  - D'Reform vum Accès an d'Magistratur, fir méi Riichtere kënnen ze rekrutéieren
  - Am Ëmweltberäich ass hie Rapporteur fir d'Upassung vum Naturschutzgesetz, fir méi a méi séier an urbane Gebidder Wunnengen an Infrastrukturen kënnen ze bauen

Den Alex wäert och Spriecher fir d'Reform vum Jugendstroferecht ginn.



LINK OP DE CHAMBER SITE  
VUM ALEX DONNERSBACH

## KOMMISSIOUNEN:

Vize-President vun der  
Kommissioun fir Wunnengsbau  
a Landesplanung

Member Defensekommissioun

Member Kommissioun fir  
Educatioun, Kandheet a Jugend

Member Kommissioun fir  
Ëmwelt, Klima a Biodiversitéit

Member Justizkommissioun



”  
*E klengt Land muss  
militäresch do hëllefen  
an investéieren,  
wou ee Mehrwäert a  
Kompetenze bestinn –  
wéi mir an der  
Kommunikatioun.*  
“



## PAUL GALLES

52, STAD LËTZEBUERG,  
CHARGÉ DE PROJETS, SCHÄFFEN,  
DEPUTÉIERTEN

### KOMMISSIONEN:

President vun der Kommissioun fir Ëmwelt, Klima a Biodiversitéit

Member Kommissioun fir Aussen- an Europapolitik, Kooperatioun, Aussenhandel a Groussregioun

Member Kommissioun fir Mobilitéit an ëffentlech Bauten

Member Kommissioun fir Educatioun, Kandheet a Jugend

Member Kommissioun fir Famill, Solidaritéit, Zesummeliewen, Gläichstellung an Diversitéit

Member Petitiounskommissioun

”

***De Grand-Duché ass e gutt Virbild an der Klimapolitik a muss dofir och ambitiéis bleiwen.***

“



### CHAMBERARBECHT:

- De Paul ass President vun der Ëmweltkommissioun a Spriecher fir alles, wat och d’Klimapolitik an den Naturschutz ubelängt
  - Hie war Rapportier zur Verlängerung vum Gesetz iwwer d’Klimabonushëllef fir Photovoltaik a Wärmepumpen a fir eng sozial gerecht Upassung vum Klimabonus Mobilitéit
  - Den neien Tramsschapp op der Cloche d’Or, wou och de séieren Tram soll ugebonne ginn ass ee visionäre Projet fir d’Zukunft, och wat Nohaltegkeet ugeet, huet hien an der Chamber betount
  - D’Weltklimakonferenz ass fir hien e wichtege Rendez-vous. Dass déi héich Erwaardungen un d’COP30 enttäuscht goufen, gesäit hie kritesch. Déi aner Sujeten Natur, Biodiversitéit an Desertifikatioun géife méi Opmierksamkeet verdéngen
  - Och an der Kooperatiouns- an Entwécklungspolitik kënne wichteg Akzenter gesat ginn an der Bildung, am Demokratieopbau an am Klimawandel, sou säi Credo
- Als CSV-Spriecher fir déi Äermst an der Gesellschaft huet hien den nationalen Aarmutsplang guttgeheescht
- De Schoulschäffen an der Stad Lëtzebuerg schwätzt och dacks zu schouleschen Aktivitéiten: Fräi, frou a staark Kanner missten och däerfe Kanner sinn – Fräizäitaktivitéiten ausserhalb vun der Grondschoul si wichteg. Suerge bereeden him d’Gewalt an der Schoul, wou hien eng Chamber-Debatt lancéiert huet

Den Accent wäert de Paul op den Nationale Klimaplang an déi sozial Kompensatiounen vun der CO<sub>2</sub>-Steier leeën.

LINK OP DE CHAMBER SITE  
VUM PAUL GALLES



## MARC LIES

57, HESPER,  
SPUERKEESSBEAMTEN,  
DEPUTÉIERTEN



### CHAMBERAARBECHT:


- De Marc huet sech wärend ville Joren fir de Reamenagement vun der ZAC Houwald agesat
  - Hie war Spriecher, wéi elo zousätzlech 32,5 Milliounen Euro fir den Amenagement vum Pôle d'échange an der Gare périphérique Houwald, dem Ausbau vum Tramsreseau, gestëmmt goufen. Et ass domat e Meilesteen am Beräich vum ëffentlechen Transport gesat ginn, erkläert hien
  - Een Dauerbrenner fir den Engagement vum fréiere Buergermeeschter vun der Gemeng Hesper bleift de Contournement Hesper
- An der Chamber huet hien zu verschidden Investitiounen an d'Schinnennetz geschwat:
  - Dës Regierung investéiert vill Suen an d'Zukunft vum Land, betount hien. 5,2 Milliarden Euro fléissen an eng gutt an attraktiv Mobilitéit: 4,77 Milliarden Euro wärten tëscht 2026 an 2040 an d'Schinneninfrastruktur, awer och an d'Sécherheet vun de Garen, mat zousätzlech Personal, fir d'Sécherheet vun de Passagéier investéiert ginn
  - Zousätzlech gëtt och d'Gare zu Beetebuerg komplett renovéiert an déi nei Zuchstreck op Beetebuerg soll am Laf vum Joer 2027 a Betrib goen
- Och am Beräich vun der Sécherheet am Fluchtrafic huet de Marc d'CSV-Positioun vertrueden:
  - Eng EU-Direktive gouf ëmgesat, fir Funk- an Hannergrondgesprécher am Tower vum Findel ze späicheren

De Marc wäert sech zousätzlech ëm d'Sujete vun der kommunaler an urbaner Entwécklung këmmern.

### KOMMISSIOUNEN:

Member Sportskommissioun  
Member Interieurskommissioun  
Member Kommissioun fir Wunnengsbau a Landesplanung  
Member Kommissioun fir Mobilitéit an ëffentlech Bauten  
Member Kommissioun fir d'Fonction publique

”  
**Politik mécht  
ee mat Häerz a  
mat Verstand am  
Interessi vun eis all.** “



LINK OP DE CHAMBER SITE  
VUM MARC LIES





## LAURENT MOSAR

68, STAD LËTZEBURG, AFFEKOT,  
SCHÄFFEN,

DEPUTÉIERTEN

### KOMMISSIONEN:

President vun der  
Justizkommissioun

Member Kommissioun fir  
Aussen- an Europapolitik,  
Kooperatioun, Aussenhandel a  
Groussregioun

Member Interieurskommissioun

Member Kommissioun fir  
Wirtschaft, PME, Energie,  
Weltraum an Tourismus

Member Finanzkommissioun

### CHAMBERARBECHT:

- De Laurent ass CSV-Spriecher fir d'Sécherheetspolitik an d'Justiz:
  - Hie war Rapporteur vum Gesetz zur Aféierung vun der lokaler Police. D'Proximitéit tëscht Police a Bierger géif esou gestärkt an d'Preventioun ausgebaut ginn
  - Bei schwéiere Fäll vu Kriminalitéit ass elo d'Prisonsschloos d'Reegel, an de Sursis d'Ausnam, wou de Richter motivéiere muss, firwat hien deen accordéiert
  - De Kampf géint Geldwäsch gouf verschäerft
  - D'Iwwerwaachungsmesuren am Verdachtsfall goufen erweidert
  - Bei der sougenannter Mini-Instruktioun ginn d'Prozeduren verkierzt an den Uwendungsbereicher méi grouss
- Fir d'Finanzplaz weider attraktiv ze halen, mussen net nëmmen Talenter aus dem Ausland ugezunn, mä d'Talenter hei am Land gehale ginn, betount de Laurent
  - Déi sougenannt „carried interest“, also eng speziell steuerlech Reegelung fir Fondemanager, déi un der Performance vun de Fongen bedeelegt ginn, sollen dat ënnerstëtzen
  - Privatpersounen kënnen elo vun engem neie Steierkredit profitéieren, wann si wëlle jonk an innovativ Start-Up'en ënnerstëtzen
- De Laurent huet och bei etlech Debatte geschwat, wéi zum Google-Datenzenter oder zu Glécksspiller an eng Hellewull Froe gestallt iwwer d'Bankeplaz, d'Kriminalitéit oder d'Steierpolitik

Hie wäert d'Beräicher Finanzen a Wirtschaft, Justiz a Sécherheet weider enk begleeden.

”

**Nëmmen wa Police  
a Justiz déi néideg  
Kompetenzen kréien,  
ass d'Sécherheet  
garantéiert.** “

LINK OP DE CHAMBER SITE  
VUM LAURENT MOSAR



# CLAUDE WISELER

**66, STAD LËTZEBUERG,  
DOCTEUR ÈS LETTRES,  
DEPUTÉIERTEN**



## CHAMBERPRESIDENT:

President vun der Presidentekonferenz  
President vum Chamberbureau

## CHAMBERAARBECHT:

- De Claude muss als Chamberpresident an éischte Bierger am Land eng neutral Haltung anhuelen. Hie stëmmt als Member vun der CSV-Fraktioun d'Gesetz mat, bezitt selwer awer keng Positiounen am Plenum. Och am Ausland representéiert hien all Deputéierte vun all Faarf
- D'Chamber gesäit hien als eng Institutioun, déi sech permanent dem Wandel upasse muss. Méi séier a ganz transparent Decisiounen huelen, méi dynamesch an och interessant Debatten - dat verlaangen d'Bierger haut. Et gëtt eng Zäit fir ze diskutéieren an et gëtt eng Zäit fir ze decidéieren, betount de Claude, an dee ganze Prozess, muss an aller Transparenz geschéien. Dowéinst huet de Claude scho verschidde Reformen an d'Weeër geleet:
  - D'Riedenzäite goufe gekierzt
  - Bal all Kommissiounssëtzung gëtt entretemps no bausse iwwerdroen
  - D'Transparenzregëster krut méi kloer Reegelen, fir ze gesinn, wien Afloss op d'Deputéiert wëll huelen
  - Vun 2026 u ginn d'Fraktiounsfinanze vun der Cour des comptes kontrolléiert
  - D'wëssenschaftlech Cellule gouf verstärkt, fir d'Aarbecht vun den Deputéierte mat Recherchen ze ënnerstëtzen
  - Am Gilly-Haus entsteet e Visitors' Center

An der Diskussioun bleiwen nach nei Forme vun der Biergerbedeelegung, de Statut vum Deputéierten, gekoppelt mat der Diskussioun iwwert e Cumul vun de Mandater an eng Rei Aarbechten um Walgesetz, fir et un d'Realitéit vun haut unzepassen.

”

***D'Stärkt vun enger Demokratie läit an der Gedold, fir nozelauschteren, ze diskutéieren an dono Decisiounen ze huelen, déi fir d'Gesellschaft an net nëmme fir e puer Leit positiv sinn.*** “



**LINK OP DE CHAMBER SITE  
VUM CLAUDE WISELER**

# AM DIALOG

**DËNSCHDEG, DE 5. MEE**  
**18:30 AUER AM MAMA SHELTER**  
**UM KIERCHBIERG**  
**2, RUE DU FORT NIEDERGRUENEWALD**

Dir sidd häerzlech invitéiert, fir Iech mat Ärem Premierminister Luc Frieden, mat Ärer Justizministesch an delegéiert Ministesch fir Medien a Connectivitéit Elisabeth Margue, mat Ärem Minister fir Ëmwelt a fir d'Fonction publique Serge Wilmes a mat Ären Zentrum-Deputéierten auszetauschen – fräien Entrée, Umeldung net néideg.

- Wat sinn d'Konsequenze vun der KI op d'Aarbechtswelt an d'Fonction publique?
- Wat sinn d'Chancen zu Lëtzebuerg duerch KI fir d'Finanzen an d'Wirtschaft?
- Wéi een Impakt huet d'KI op d'Ëmwelt an op d'Klima?

## MAT EIS DISKUTÉIEREN:

**JEAN DIEDERICH**, PRESIDENT  
VUN DER APSI, LËTZEBUERGER TRADE  
ASSOCIATION BEI DIGITALEUROPE

**MAXIME ALLARD**, CO-FOUNDER  
HELICAL-AI START-UP

CSV an der Chamber  
13, rue du Rost  
L-2447 Luxembourg  
Tel. : +352 47 10 55 1  
Email : [csv@chd.lu](mailto:csv@chd.lu)  
[www.csv.lu](http://www.csv.lu)

Version  
française



KUCKT OCH D'CSV OP SOCIAL MEDIA



AN DER CHAMBER



MIX  
Pabeler | Ënnerstëtzt eng  
responsabel Bëschbewirtschaftung  
FSC® C004990

PRINTED IN  
LUXEMBOURG



myclimate.org/01-24-906817